

書縣長會同逐一詳查確無疑義謹合詞具覆伏乞察核尅日派員蒞縣會同評價召變藉充軍餉實爲公便等情據此查洗善之等既屬附逆情真甘心破壞大同挾其資財助惡長亂撥厥情實堪痛恨可否准於寶安縣公民及黎師長等所請將洗善之等家產召變充餉以儆凶頑而彰順逆理合備文呈候

鈞座俯賜

察核迅予批示施行實爲公便謹呈

陸海軍大元帥孫

大本營軍政部長程潛

中華民國十二年八月八日

大元帥指令第四〇六號

令航空局局長楊仙逸

早悉照准此令

呈報東江水漲擬將陸機二架裝成水機以備趕赴前敵由

中華民國十二年八月廿日

附原呈

呈爲呈報事前奉

鈞座函示着多派飛機隊出發東江應用等因奉此本應即時出發惟因近來東江潦水汎漲所有博羅石龍兩處機場悉被水淹深至三四尺許殊於陸機飛行有碍迭經派員分赴各該處調查據報水仍未退局長現爲急應軍用起見擬將原有陸機二架裝成水機以備趕赴前敵約須三四日可成所有裝修水機緣由理合具文呈請

察核謹呈

大元帥孫

航空局局長楊仙逸 叩

中華民國十二年八月十五日

大元帥指令第四〇七號

令大元帥行營金庫長黃昌毅

呈擬大元帥行營金庫組織章程請鑒核施行由